

terram, que olim fuit Landulphi Compalatii tam infra quam extra civitatem Capue, cum omnibus rationibus et iustitiis ipsis pertinentibus, salvo mandato et ordinatione nostra et nostrorum heredum. Statuimus igitur et imperiali sancimus edicto, ut nulla omnino persona, parva vel magna, secularis vel ecclesiastica, contra hanc maiestatis nostre concessionem et presentem auctoritatis nostre, quam inde facimus, confirmationem audeat venire vel eam aliquo modo presumat perturbare. Quod si quis facere attemptaverit, centum libras auri puri pro pena componat, dimidium camere nostre et reliquum passis iniuriam.

Huius rei testes sunt Carus Montis Regalis archiepiscopus, Guillelmus Reginus archiepiscopus, Berardus Messanensis archiepiscopus, Hertwicus Eistedensis episcopus, Theodericus Traiectensis prepositus, Albertus imperialis aule prothonotarius, Berardus imperialis aule medicus familiaris, Conradus dux Spoleti, Marquardus senescalcus marchio Ancone et dux Ravenne, comes^a Albertus de Spanheim, comes Bertoldus de Leschemunde, comes Gentilis, comes Ioffredus de Marturano, Guillelmus Crassus comes Malte totius regni ammiratus et alii quam plures.

Signum domini Henrici sexti Romanorum imperatoris invictissimi et regis Sicilie.

Ego Conradus Hildeneshemensis episcopus imperialis aule cancellarius una cum domino Waltero Troiano episcopo et regni Sicilie cancellario recognovi.

Acta sunt hec anno dominice incarnationis 1100 nonagesimo septimo, indictione prima, regnante domino Henrico sexto Romanorum imperatore gloriosissimo et potentissimo rege Sicilie, anno regni eius vicesimo octavo, imperii vero septimo et regni Sicilie tertio. Datum Messane per manum Alberti imperialis aule prothonotarii vicesimo quarto die mensis Septembris.

Constanze I. schenkt dem Erzbischof Matthaeus in Anbetracht seiner reinen Treue und seiner genehmen Dienste die Judenschaft seiner Stadt zu abgabefreiem Besitze; will, dass das Land des Landulf Compalatio, das Heinrich VI. ihm verliehen, das er aber der Tochter des Landulf als Baronie gegeben, wenn deren Geschlecht erlösche, seiner Kirche heimfalle.

1198 September 9, Palermo.

a) *Albertus comes Albertus.*